



UNIVERSITI  
TEKNOLOGI  
MARA



**UiTM NEWS HUB**  
Hab Berita Rasmi UiTM



[Home](#) / [2025](#) / [May](#) / UiTM Cawangan Pahang Perkukuh Sinergi Bersama IPK Pahang dalam Majlis Sambutan Aidilfitri

## GRU2025 SINERGI

09/05/2025 / MOHD IKHSAN MD RAUS



KUANTAN, 29 April 2025 – Rektor UiTM Cawangan Pahang, YBr. Prof. Ts. Dr. Azhan bin Hashim @ Ismail telah menghadiri Majlis Sambutan Hari Raya Aidilfitri Ibu Pejabat Polis Kontijen (IPK) Pahang yang diadakan pada 16 April 2025.

Majlis tersebut telah diserikan dengan kehadiran Kebawah Duli Paduka Baginda Sultan Pahang Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah. Turut hadir ialah YAB Menteri Besar Pahang, Dato' Sri Diraja Haji Wan Rosdy bin Wan Ismail, Ketua Polis Pahang, DCP Dato' Sri Yahaya bin Othman, serta ketua-ketua jabatan dan pegawai kanan polis.

Dalam majlis tersebut, Kebawah Duli Paduka Baginda Sultan Pahang berkenan menyampaikan sumbangan kepada anggota polis yang akan menunaikan ibadah haji dan mengurniakan duit raya kepada anak-anak anggota polis.





YBrs. Prof. Rektor turut berkesempatan mengadakan pertemuan dengan Ketua Jabatan Pencegahan Jenayah Dan Keselamatan Komuniti (JPJKK) Pahang, SAC Dato' Mohamad Noor bin Yusof Ali, bagi membincangkan hala tuju dan potensi kerjasama dengan Kor Sukarelawan Polis Siswa Siswi (SUKSIS) UiTM Cawangan Pahang.

UiTM Cawangan Pahang Perkukuh Sinergi Bersama IPK Pahang dalam Majlis Sambutan Aidilfitri – UiTM NewsHub  
YBrs. Prof. Rektor diiringi oleh Pegawai Kehormat SUKSIS UiTM Cawangan Pahang, ASP/KS Mohd.Ikhsan bin Md.Raus, dan Pegawai Latih Kor SUKSIS UiTM Cawangan Pahang, Inspektor Intan Diana binti Bakri.

Kehadiran UiTM Cawangan Pahang dalam majlis berprestij ini memperkukuh hubungan strategik dengan agensi keselamatan negara, selaras dengan aspirasi universiti untuk memperluas jaringan sinergi bersama komuniti dan agensi luar. Inisiatif ini juga seiring dengan sasaran GRU2025 UiTM dalam memperkasakan keterlibatan institusi di peringkat negeri dan nasional.

Penglibatan Kor SUKSIS UiTM Cawangan Pahang dalam kerjasama ini mencerminkan komitmen universiti dalam membina budaya khidmat masyarakat dan kesedaran keselamatan awam dalam kalangan mahasiswa, serta memupuk nilai kepimpinan, patriotisme, dan kebertanggungjawaban sosial.

Penulis: ASP/KS Mohd.Ikhsan bin Md.Raus



Tags: [Panglima Tentera Udara Diraja \(PUTD\)](#), [Kor Sukarelawan Polis Siswa Siswa \(SUKSIS\)](#), [UiTM Cawangan Pahang](#), [Universiti Teknologi MARA \(UiTM\)](#)

< [Menelusuri Hak dan Tindakan Dalam Tuduhan Integriti di UiTM](#)

[UiTM Perak's Altara Group Wins Top Prize at Bamboo Sculpture Competition for Earth Day 2025](#) >

## QUICK LINKS

[Ministry of Higher Education](#)  
[Academic Calendar](#)  
[Intake Calendar](#)  
[Graduate Quick Search](#)  
[Library](#)  
[UiTM Holdings](#)  
[WiFi UiTM](#)  
[E-Complaint](#)

## HUBUNGI KAMI

Universiti Teknologi MARA (UiTM)  
40450 Shah Alam, Selangor Darul  
Ehsan  
Malaysia

Tel: +603-5544 2051 / 2000



Copyright © 2026 UiTM NewsHub | Theme by: Theme Horse | Proudly Powered by: WordPress